

682

Na osnovu člana 50. stav (3) Zakona o oružju i municiji u Hercegovačko-neretvanskom kantonu („Službene novine HNK“, broj 5/17), ministar unutrašnjih poslova na prijedlog komesara,
d o n o s i

P R A V I L N I K O UNIŠTENJU ORUŽJA I MUNICIJE

Član 1.

(Predmet Pravilnika)

Ovim Pravilnikom propisuje se postupak uništenja vatrenog oružja i municije kojeg provode pravna lica ili obrti koji imaju odobrenje Ministarstva unutrašnjih poslova Hercegovačko-neretvanskog kantona (u daljem tekstu: ministarstvo) za obavljanje djelatnosti popravljanja i prepravljanja oružja.

Član 2.

(Način uništavanja oružja)

(1) Oružje se uništava tako da se izreže na dijelove plamenikom aparata za autogeno zavarivanje na presjecima zatvarača navlake, ležišta naboja, odnosno baterije kod revolvera, a preostali dijelovi se uništavaju udarcem čekića.

(2) Oružje iz stava (1) ovoga člana može se uništiti i na drugi način tako da nastupi trajna deformacija svih dijelova.

(3) Veće količine oružja iz stava (1) ovoga člana uništavaju se u pogonima preduzeća za promet sekundarnim sirovinama pomoću valjaka mašine za rezanje metala i hidraulične prese, odnosno ubaćivanjem u peć za taljenje.

Član 3.

(Način uništavanja municije)

Municija se uništava postupkom spaljivanja, detoniranja ili na drugi odgovarajući način na za to određenim mjestima, koja odgovaraju bezbjednosno-tehničkim uslovima, odnosno uništava se detoniranjem, sagorijevanjem ili drugim postupcima industrijske prerade koji ih dovode u stanje trajne i potpune bezopasnosti i neškodljivosti za život i zdravlje ljudi i imovine.

Član 4.

(Komisija)

(1) Za uništavanje oružja i municije ministarstvo imenuje Komisiju koja je prisutna kod uništavanja oružja i municije.

(2) Komisija sačinjava zapisnik o uništenom oružju i municiji.

Član 6.

(Stupanje na snagu)

Ovaj Pravilnik stupa na snagu osmog dana od dana objave u "Službenim novinama Hercegovačko-neretvanskog kantona".

Bosna i Hercegovina
Federacija Bosne i Hercegovine
HERCEGOVACKO-NERETVANSKI KANTON
MINISTARSTVO UNUTRAŠNJIH POSLOVA

Broj, 02-01-04-1374-4/17

Dana, 24.11.2017.godine

M I N I S T A R
Slađan Bevanda,s.r.